

۲۹ جمادی الاخره ۱۳۳۱

پنجشنبه

۲۳ مایس ۱۳۲۹

نومرو ۲۴ — ۲۴

نسخه سی ۲۰ پاره در



امور اداره و تحریر به واعلان و ساثره ایچون مدیر
مسئوله مراجعت ایدللبدر .

ابونه سی بر سنه لك اعتبار به ممالك عثمانیه ایچون
اون بش و ممالك اجنبیه ایچون ۲۰ فروشدر .

عرفای امتك مقالات متصوفانه لرینه جریده
صوفیه لك صحیفه لری آجیقدر .

شمديك اون بش كونده بر نشر اولنور

محل اداره باب عالی جوارنده ابوالسعود جاده سنده
نجم استقبال مطبعه سی

تصوفی ، دینی ، اخلاقی ، سیاسی جریده اسلامیه در

نی جوهر سرتاج عقول ، عرفادر
نی فاتحه حضرت فرقان خدادار
نی جامعه علم و حروف ، نقطه بادر
نی در ازلی مجمل انسان اکامل
نی در ابدی مفخر اصحاب افاضل
نی در باقیگز شاهد نازنده خوبان
البته اولور باغ لطافتده خرامان
نی در ایدن اول آدمه تعلیم حقایق
نی قومیان دلد قیودات علایق
نی سینۀ عشاقی سراسر ایدر احراق
نی در بوکون انسانی ایدن عاشق و مشتاق

قامۀ سلطانیلی

محمد قاسم

مراتب اولیا

(اولیائی تحت قبائی لایمر فهم غیری) حدیث قدسیسندن
ا کلاشلدینی وجهله تازمان سمادت پیغمبریدن بو آنه کانجهیه قدر
کلوب یکمیش اصحاب کزین ایله تابعین، مجتهدین، مفسرین، محدثین
علماء عاملین ، مشایخ واصلین کبی اسلامیتک شرف واعلاسنه
خدمتله (تخلقوا باخلاق الله) سرینه مظهر اولوب مرتبه بشریتک
درجه علیاسنه واصل اولمش والیوم تالی یوم القیامه وجودلری
حالم اسلام آرمسندۀ اکسیتک اولمیان بوکبی ذوات کرام ، مرتبه
ولایتک برنجی طبقهسندۀ اولهرق ورثۀ انبیا اولدقاری فی بیلدکاری
حالده نفسک الجاآتندن اولان ریواکوسترشدن عاری اولمق اوزره
حقک لطف وکرمنه استنادآ وظیفۀ ارشادیه فی ایفا ایدوب عوام
مسلمینی ایفاظ ایله حقایق اسلامییه (کلموا الناس علی قدر عقولهم)
فحواسی موجبجه هرکسه عقلی بتدیکی قدر تفهیمه مأمورا اولمشلردر.
درجه ثانیده اولانلر : فقرای درویشاندن - کندیلری
مرتبه ولایت واصل اولدقاری بیلدکاری حالده (کنت کنزاً
مخفياً فاحبیت ...) الخ حدیث قدسیسنه امثالاً انظار اغیاره شو
حالی فی ستر ایله مجرد مجاهده نفس ایچون نفس اوقشابه حق
حالاتدن توفی ایدرک خلقک نفرت واستحقاقی جالب احوالی
ظاهراً اختیار ایله برحیات سفیلانده اصرار اوقات ایدن کیسه لر در.
فقط برده بونلرک (مقلدین) قسمی واردرکه ، آنلر نفس اصلاح
ایچون دکل ، انجق مسکینه برحیات ایله اغنیانک حمایه سی آلتندۀ
جالب مرحمت اطوار اظهار ایدرک تبدیل الشکل لاجل الاکل

مراثیانه درویش کسومسنه بورونوت تمکبتکه ، سفره بسفره
کاسه ایس اواقله اصرار اوقات ایدرلر . مقصدلری - مجاهده نفس
ایتمک شویله طورسون - عطالتی اختیار ایله صرفاً نفس بسله مک
اولوب هیچ بروقت فقرای صابریدن اولان اصل (اهل توفیق)
ایله قابل قیاس اوله مالزلر ، عرفای امت نظرندۀ بونلری تفریق
ایتمک بک قولایدر . اهل توفیق - تن پرور مقلدین کبی - کوندوزلری
آکل کیچلر نائم اولمق دکل ، بالعکس کیچلری خلوت چکیلرک
عبادات و طاعات ، ذکرا لایله نابصباح مشغول اولوب کوندوزلری
خلاقه بار اولمقدن چکینه رک - آج قالسه بیله کیسه بیه حالی
سزدر مکمزین - پژمرده بر لباس ایله بکزی صارارمش اولدینی
حالده انظار اغیاره کوزوکه رک اوکونی بولدینی بر مقدار نفقه
ایله کفاف نفس ایدن عاشقان خدادار .

اوجنچی مرتبهده اولانلر ایسه : شراب وحدتی نوش ایله
فنائی الایه اربوب جذبات عشق خدا ایله سوزان اولهرق سرمست
بر حالده وجودلری قیشک صغوقندن ، یازک صیجیغاندن متأثر
اولمفسرین کندیلرینک مرتبه ولایت ایدرکارندن بی خبر اولوب ،
یالککز علویت قدرلریله مقدارلری ، سالف الذکر (اولیائی تحت
قبائی ... الخ) حدیث قدسیسی مألجه عند الهیجه معلوم اولان
(مجدوبان الهی) در .

بونلر ، خلق آرمسندۀ - جذبات عشقک تأثیری نتیجه سی -
موجب تزییف واستحقار حالات مجنونانه اظهارندن خالی قالما -
دقاری کبی بعض عوام طرفندن رنجیده ایدلسلر بیله کندیلری
تن قیدندن آزاده بر حالده بحر وحدت عشقه دالم لردن ، متأثر
اولمالزلر ، فقط : عادی مجنونلرله قابل قیاس اولمیان بوکبی مستان
خدای تفریق ایتمک قولای اولمادیقندن بعضاً آنلر ، لحکمه
حالت جذبیدن حالت یقظه کلوب انسانلر آرمسندۀ کزملری
حسیله ، شو حالده رنجیده ایتمک کلز ، زیرا ، آنلرک حقه قارشو
سوزلری اوقدر تأثیرلیدرکه ، مایوسانه بر آهی ، بولندی بی بلده
ایله جوارینه بر آفت عظمایک درحال ورودینه سبب اولور .
بالعکس آنلری ، اوصرده ممنون وتلطیف ایتمک غیرتله دعالرینی
آلمق ، هرجهنجه مرجع اولوب بشریت ایچون مادی ومعنوی
موجب فوائد عظمایه سیبیت وبره جکی شه سزدر .

محمد حلمی

اخطار : اوجنچی جلدمن (۴۹) نومرودن اعتبارآ
بالسلسل الی نهایه بورونیه جکدر : چونکه ، ایکی جلدمنک عدد
یکونی (۴۸) نومروه بالغ اولمشدر .

صاحب امتیاز حسن کاظم
ومدیر مسئول

نجم استقبال مطبعه سی